

# 广东通志

广东通志

廣東通志卷二百七十九

甲子重刊

列傳十二

廣州十二

李紹敏

子光宸

潘光統

子豫之

益之

鍾景星

弟景暘

蔡良

陳謨

父東山

陳其魯

子堂

陶鳳儀

陳激衷

戴銑

子記

黎瞻

黎密

黃民準

子應龍

岑萬

子用賓

何繼之

羅虞臣

陳其具

父吳賢

趙勲

子思謙

思基

陳建

陳澤

王希文

鄺夢炎

何維栢

洗桂奇

劉模

陳善

唐守勲

弟守明

郭大治

子棐

槃

蒙學之

侯天錫

子國治

梁津

何派行

林烈

子培

坦

何孟倫

孫勲

劉日新

以上明

明

李紹敏字叔宜南海人幼聰悟嘉靖初補弟子員督學歐陽鐸優異之四人棘試弗售遂隱林泉日



誨其子光宸俾淬勵以繼志紹敏天性孝友成童  
時侍父病衣不解帶藥必先嘗事二母得其歡妹  
夫黃裳病異症同氣咸辟去紹敏調護之數月又  
經紀其後事卒亦無恙光宸官漳州知府紹敏誨  
之曰守爲一郡綱紀必以身帥人萬無循俗好宰  
主恩光宸以名守稱庭訓之力也兄子光寅嘉靖  
庚子亦舉於鄉爲亳州學正

粵大記

光宸字仲熙年

十一爲郡諸生嘉靖己酉庚戌連登進士授戶部

主事厯倉糧稅課草場監兌諸差發奸摘伏如老  
吏執法不避豪貴都下目鐵面郎與同官李价互  
相砥礪擢漳州知府丁倭患振顏綱杜請謁嚴接

濟修武備恤疲民釋冤獄撫良善不期年而漳大  
治獨以議論峭直與當事者不合改官台州條陳  
十事上之又謫派糴於富戶請汰冗兵力反舊政  
居台三載以前隙罷歸前後部使者推轂於朝終  
不起其狷操如此年八十一卒

南海志

潘光統字少承順德人魁岸磊落少補邑弟子員  
應詔輸粟爲太學生未幾以母老告歸從黃泰泉  
於粵洲究心子史兼攻詩學請於泰泉類選明音  
唐音若干卷而剗刪之泰泉爲序以傳辛未選光  
祿良醢署監事堂卿路坦齋奇之薦升大官丞歲  
羨萬餘中貴人侵沒爲奸光統毫不染指羣邪斂

手銓部廉其賢欲優遷之尋以病卒發其篋無餘  
積值其子豫之寄百金至乃得成斂時稱其廉光  
統天性孝友鄰里有乏則樂周之雅好圖史作怡  
馨堂飛雲閣爲藏書之所著史漢存疑山房紀聞  
及詩文若干卷存於家子豫之益之皆敏雋能仗  
義有父風

粵六記

光統官光祿寺子豫之亦官光祿

署丞能詩著有櫟園集黎秘書曰櫟園詩大率樂  
府同美五言近體踵步王孟七言近體比肩錢章  
五七言絕句類杜公腴遠則王昌齡李頎也子憲  
龍字孟驤郡庠生亦負奇氣老而不遇年將八十  
猶赴省闈詩有祖父風可謂三代詞藻矣

五山志林



鍾景星字叔樵東莞寶潭人少習舉業見就試者

鮮禮遇於有司遂厭棄之

東莞志

潛心於內言笑不

苟聞甘泉講心性之學偕弟景暘往西樵師焉日

益飭躬勵行從入京師數年與順德陳謨郭肇乾

輩相策勵晝夜正襟危坐獨觀昭曠之原於是浩

然有自得之趣家甚貧然毫不苟取雖往來諸名

公間終身未嘗干人人以此益重之

洛閩源流錄

晚年

養愈冲粹喜怒不形望而知爲有道之士家庭菽

水盡歡父病所以身代喪葬循禮蔬素三年旣久

哀慕彌切欲繪親容默禱之父竟見夢於畫工一

筆而肖嘗輯濂溪明道白沙甘泉四公論學精言



爲宋明道學四書又註釋甘泉心性圖說一時學

者多傳習之

道學諸儒錄

年七十四卒無以爲斂邑令

喬誥助之乃克襄事尙書何維栢銘其墓同邑有

蔡良者學以涵養德性爲本砥礪名節爲要出其

門如鍾卿輩皆爲端人學者稱爲南齋先生

粵大記

陳謨字公贊號艮齋順德人父東山從甘泉隱居

煙霞洞中甘泉嘗稱東山年六十猶好學攜公贊

來從受業講聖賢之學脫然有悟遂卜築於煙霞

後洞名其亭曰仰止設短床其中不敢安寢少假

寐卽起坐嘗惕然自訟曰謨遠離父母遠從學可

悠悠虛度乎乃益自奮益不就枕者七夕甘泉慮

其厲志而病也力止之後隨京居逾年而歸見愈  
真養愈定凡所以事親敬長孚於妻子信於朋友  
處乎黨族者莫不求盡心焉其篤志如此嘉靖戊

戌夏病革猶扶掖見母省訣還正寢而卒

粵大記

陳其魯字思穎別號巨川南海人

增城志云其魯增城西洲人子

堂補南海學生遂僑居南海云

性至孝事父惟謹弱冠補博士弟

子員與洪覺山同受學于甘泉相得懽甚後杜門

藝圃者二十餘年子堂克承庭訓官嚴時迎養宦

邸其魯諭之曰吾不患汝不廉患不恕不患汝不

明患不平堂跪遵教克恪於官及爲監察御史隨

養曾都官舍朝夕聿嚴鎖鑰久之拂衣歸曰吾豈

以軒冕桎梏哉日以詩酒自適招攜同志遊遨白

雲蒲澗之巔觀天風海濤徜徉嘯歌萬厯八年庚

辰夏卒

粵大記

堂字明佐生而聰警其魯授以經書

不由外傳嘉靖乙卯鄉薦隆慶戊辰登進士筮仕

嚴州推官以治行最徵拜南京湖廣道御史屢奉

勅巡視所至激濁揚清釐奸剔蠹萬厯五年丁丑

閏八月日食不見九月彗星見從東南方起長五

天堂以言官上疏論河套貢市漕河段正諸宜興

革狀及請斥權璫退不法司馬乞宥諫臣纏纏萬

言皆切中時弊會元輔張居正奪情欲堂附會保

固堂不可復劾大臣之黨庇者益與張忤遂出爲



四川參議以大計貶官時父其魯病且革堂歸旬  
有三日乃屬續遂居家奉母九膺薦剡不應母終  
起復廣西僉事大征岑溪奏捷堂有勞焉踰年入  
賀晉光祿少卿疏裁冗費又請皇太子冠婚危言  
勁氣不減居南臺時未幾奉使冊封以南京尙寶  
司卿致仕南海志堂嫻詞翰致仕後益肆力著述與  
王唯吾覽勝探奇家居二十年卒前半載猶以籃  
輿遍歷羅浮諸勝而歸其往來西樵與霍尙守善  
西樵遊覽記嘗築別墅於浮邱之麓名朱明館易簣前  
歷羅浮諸峰賦詩數章歸後事葬期手自裁定談  
笑而卒所著朱明洞稿湘南皇華南歸諸集邊河

四疏行於世

羅浮山志會編

陶鳳儀字瑞之以大父陶魯著績三藩賜籍番禺父荆民錦衣衛僉事世襲正千戶鳳儀能文章明法律有聲公卿間武宗宴駕廷議迎世宗繼統擇翰林院錦衣衛各一人先詣藩邸奉箋鳳儀與焉由此得幸世廟恤刑雲南多所平反奉使朝鮮遺贈無所受犒軍九邊却常例折席錢一萬兩天子以爲廉歷陞指揮同知加賜一品服級前後管厰衛篆理刑諸務持正不阿存活無辜甚衆中貴人方士犯法賄賂請托一不爲動縉紳以事獲罪者則必百計保全巡按福建御史何維栢疏劾嚴嵩

忤旨逮至京發錦衣衛杖一百在廷皆畏嵩無敢  
救者時鳳儀方掌衛事密諭行杖者曲護得不死  
卷以席從後渠私載而出嵩之黨百餘人持短杖  
至門問何御史所在報曰何御史已死棄去矣嵩  
黨大索無所得乃去何御史竟免於害久直禁閹  
思避權姦以母老再疏力求還鄉詔許馳驛奉母  
歸里有司歲給月俸兩遣內使存問前後所賜有  
御書堂聯寶劍蟒服玉帶御用瓷器各物賜母鄭  
淑人金帛錦絮杖異數也居十年母喪哀毀骨立  
未幾卒詔遣布政使徐南金諭賜祭葬嗣子復襲  
官亦以勤慎有功歷陞錦衣指揮使掌衛事孫中



麟以錦衣僉恤刑廣西道卒五傳至孫壯猷以錦衣千戶扈從至桂林沒於王事陶氏遂與國終始

焉

金志

陳激衷字元誠號堯山南海人行不疾趨容無遽色少爲郡庠生釋奠掌脩遂善歌鹿鳴諸詩聲出金石聞者樂之中嘉靖壬午鄉試教諭邵武之建寧與諸生朔望習禮束脩餽遺皆不受晉國子助教棄官歸初何時矩師事白沙晚謂其學虛無因喻王道要在農桑不徒虛言雷州多荒田可墾宜往開耕以爲民先著存羊錄由是激衷多借債往雷州開荒及至耕熟爲雷民所認將訟激衷棄還

不校也益貧困獻夫時延之談論及卒祀於鄉賢

祠

黃志

戴銑字子聲東莞人幼歧嶷及長強記博學從陳鶴峰遊領嘉靖元年壬午鄉薦八年己丑進士觀吏部政上裨治疏三千餘言多關理道授禮部主事提督四夷館尋改四川道監察御史執政者稍忌之慷慨言天下事

粵大記

一載間至十餘疏皆人

所難言者劾刑部尙書聶賢兵部尙書劉龍等六人不職吏部欲加銑輕忽重罪上優容之後言官論尙書汪鋐黨庇奸邪中傷言官當道切忌遂爲所排

黃志

罷職歸習靜邱園名益重薦剡累及堅持

不起從學於湛甘泉研尋旨趣讀薛鍾離論博約  
一篇淵然有得於是由博反約益究心體認之實  
年甫四十六歲而卒臨卒神思不亂曰修身俟命  
無慮可澄其見之卓如此隆慶改元褒崇遺直特  
贈奉議大夫光祿寺少卿著家集十卷子記字儀  
周博學能文登嘉靖戊午鄉薦乙丑進士歷雲南  
楚雄知府以循良著

粵大  
記

黎瞻字民仰號前峰番禺人遠祖自宋南渡由南  
雄徙居番禺板橋鄉瞻謹厚嚴重聰敏好學補郡  
弟子員授廩餼舉嘉靖元年壬午鄉試初任尤溪  
縣教諭尤溪縣故下邑士風樸野不省四聲聞表